

二祖无符寺志畧

国瑛敬题



佛曆二千九百六十三年十一月出版

編輯者 釋

果亮

鑒訂者 閻

佚民

校對者 笑

塵

流通處 磁縣佛教分會

印刷者

新永吉印務局

上海法租界貝勒路七二三號
電話八四四三一號




271280

62点




影全寺符元祖二(一)




FUDAN JP200000017734F 复旦图书馆

面侧之塔祖二(二)





碑摩達提菩撰帝武梁(三)



寺教匡之處法說祖二(四)

序

佛法自漢世傳入震旦，迄於晉魏，度僧尼百數十萬，招提塔寺，遍布全國；卽沙門自西域來者，亦三千餘人，可稱爲中國佛教最盛時代！然衣鉢正法，未傳東土，迨菩提達摩西來，止於嵩山；當時俗者，不測其然，多以衆人視之，恆認爲壁觀婆羅門，實不知佛法之嫡系也！獨二祖精勤侍事，六載不倦！雪庭斷臂，爲法忘形！其別具慧眼，超出一切，概可見矣！卒至妙諦心傳，續演宗風，正法衣鉢，得留東土。故達摩喜曰：『我心將畢，大法已行！』在佛教史觀，爲如何之光榮？後世學者，如何之幸運？嗣輾轉付囑，一花五葉，遞傳至今，蕃衍全國，今我僧侶，何一而非祖師之法裔；追溯中國能得正法嫡傳，非祖師以大悲智所惠者耶！我佛教徒宜何等感戴無量之功德！以報堅苦精勤之志願？元符寺。爲祖師示寂之所，靈塔在焉；第因歷代久遠，殿宇佛像，幾度修建，常住宗派，屢經變更，舊有寺志，毀沒無存！近世禪宗苦行受法大德，雖有追慕祖師盛德志願朝禮者；因以地屬荒野，以致無從攷詢。亮等久具重修之願，唯以不學無識，荏苒至今未敢冒昧。頃爲昌明祖師聖境，謹以所知，彙集成帙，誓廣宣傳，期我佛教徒以興復祖師之遺蹟爲志願。並希大善知識，糾正教誨！是爲序

序

二

元符寺住持果亮謹識

佛歷二千九百六十三年丙子重陽既望

目錄

- 一 二祖元符寺全影
- 二 二祖塔之側面
- 三 梁武帝撰菩提達摩碑攝影
- 四 二祖說法之匡教寺
- 五 元符寺住持果亮自序
- 六 二祖之史略
- 七 磁縣沿革
- 八 磁縣之形勝
- 九 元符寺建築之興替
- 十 二祖塔之建築時期與遺蹟
- 十一 重建菩提達摩碑考
- 十二 禪門第一祖菩提達摩大師碑并序
- 十三 重建達摩碑陰文

目 錄

十四 唐高僧法琳碑考

十五 二祖說法之匡教寺

一 祖史略

祖師·諱慧可，姓姬氏，河南武牢人也。母始娠時有異光發其家，及生，以故名之……少嗜學，世書無不闕者，尤能言莊老，年三十後，覽佛典，超然自得，遽感而歎曰：『老易世書，理非究竟』。遂遠遊求師，至洛陽香山，從寶靜禪師出家，尋得戒於永穆寺，未幾，經論皆通，年三十二復歸其本師，歸八年終日宴坐於禪寂中，一夕，條有神人現於其前，謂曰：『將欲受果，何久滯於此耶？大道匪遠，汝其南矣』！自知神助，因加其名曰：神光，異日其首忽痛，殆不可忍！師欲爲灸之，俄聞空中聲曰：『此換骨非常痛也』！祖以遇神事白於師，即罷不敢治，及曉，視其頂骨，果如五峯秀出矣！其師曰：『異乎！汝相吉祥當有所證，行矣勿失其時』。及聞菩提達摩在嵩山，風範尊嚴，喜曰：『至人在茲，吾往師之，』時達摩祖師，面壁端坐，祖雖傍事盡禮，達摩未始與語，然精勤六載，略無倦色，時會雪夜，祖立於砌，遲明積雪過膝，達摩憫而問曰：『汝久立雪中，欲求何事？』祖泣而告曰：『惟願和尚，以大慈智，開甘露門，廣度羣品！』達摩曰：『諸佛無上妙道，曠劫精勤，能行難行，能忍難忍，尚不可得，豈此微勞小効，欲冀大法，徒勞勤苦！』祖聞誨，潛以刃自斷左臂，置於達摩之前！達摩乃曰：『諸佛最初求道，爲法忘形，汝今斷臂吾前，求亦可在！』

祖復問曰：『諸佛法印，可得聞乎？』達摩曰：『諸佛法印，匪從人得』，祖曰：『我心未寧，乞師與安』，達摩曰：『將汝心來與安』，祖曰：『覓心了不可得』，達摩曰：『我與汝安心竟。』由是有所契悟，達摩遂易名曰：慧可。達摩欲西歸，遽謂各弟子曰：『時將至矣！曷各言所詣？』有道副者，先之曰：『如我所見，不執文字，不離文字，而爲道用』，達摩曰：『汝得吾皮！』有尼總持者曰：『我今所解，如慶喜見阿閼佛國，一見更不再見』！達摩曰：『汝得吾肉！』有道育者曰：『四大本空，五陰非有，而我見處，無一法可得！言語道斷，心行處滅』，達摩曰：『汝得吾骨』！及祖趨前拜已，歸位而立，達摩曰：『汝得吾髓』！尋命之曰：『昔如來以大法眼付囑摩訶迦葉，展轉囑累而至於我，我今以付於汝，汝宜傳之，無使中斷！并授汝此僧伽梨寶鉢，以爲法信！惟恐後世以汝於我異域之人，不信其師承，汝宜持此爲驗，以定其宗趣；然吾逝之後，二百年後，衣鉢止而不傳。法亦大盛！當是知道者多，行道者少，說理者多，悟理者少；雖然潛通祕證，千萬有餘，汝勉顯揚，勿輕未悟』。聽吾偈曰：

『吾本來茲土，說法救迷情，一花開五葉，給果自然成』！

復謂祖曰：『此有楞伽經四卷：蓋如來極談法要，亦可以與世，開示悟人，今并付汝；然我於此，屢爲藥害！而不卽死者，蓋以茲赤縣神州，雖有大乘之氣，而未得其應，故久

默待之！今得付受，其殆有終；既而與其徒，卽往禹門千聖寺。居未幾，奄然長逝！

然祖爲人曠達有遠量，雖契悟所出入，而未嘗輒發，怡然自隱，故久於京洛，世莫之知；及會菩提達摩，授道易名，當爲法宗師。學者：乃知有大德，競歸如水，沛然趨下。俄有號居士者：年四十許，以疾狀趨祖前，不稱姓名，謂祖曰：『弟子櫻業疾，欲師之懺罪，願從所請？』祖曰：『將罪來，爲汝懺』，其人良久曰：『覓罪不可得』，祖曰：『我與汝懺罪竟，然汝宜依止乎佛法僧』，其人曰：『適今覩師已知僧矣！不知何謂佛法』？祖曰：『是心是佛，是心是法，法佛無二，汝知之乎』？其人遂曰：『今日乃知罪性不在內外中間，如其心然，佛法亦然！』祖深器之！卽爲其釋褐落髮，曰：『此法寶也，宜名之僧璨』，是爲三祖鏡智禪師；戒後二載，乃命之曰：『昔佛傳大法眼，轉至達摩，達摩授我，我今以付於汝，并其衣鉢，汝專傳之，無使輒絕』！聽我偈曰：

『本本緣有地，因地種花生，本來無有種，花亦不能生』！

既而復謂僧璨曰：『我有夙累在鄴，將往償之，然汝後自亦有難，汝宜避之』！璨曰：『此實我師聖智先見！願聞難之所以』？祖曰：『斯非獨我云：亦前祖般若多羅識之耳』！璨曰：『願聞』？祖曰：『其所謂後之一百十五年而興者也。偈不云乎』？心中雖吉外頭凶，川下僧房名不中，爲遇毒龍生武子，忽逢小鼠寂無窮。『以數計之，當在汝世，汝宜護法』！

及祖至鄴都，隨宜說法，四衆皈依，聽者如林，凡三十四載，一旦遽變節瘁狂！不復擇處或鄺或野，雖屠門酒家，皆一混之。識者或規曰：『師高流！豈宜爲此？』祖曰：『我自調心，何關汝事？』初鄴有僧曰辨和者；方聚徒講涅槃經，於笮城縣之匡教寺，尊者每往其寺門與人演說：適會正朝，衆大從於祖，辨和之徒亦復相隨，辨和不勝其憤！尋謂其令翟仲侃曰：『慧可狂耶！頗誑惑人衆，此宜治之！』仲侃聽其言，乃拘之，加以酷刑！怡然順受，祖示寂！跌坐漳水，沂流而上十八里，至於滂流，三會而止，士女哀之！共收其形骸，葬於磁州滏陽之東五十里婁姑村。當隋開皇之十三年癸丑三月十六日也。距生於後魏太和十一年丁卯，世壽一百零七歲。唐開元十六年建塔。貞元十六年四月十二日，賜諡：大祖禪師。

磁縣沿革

磁縣。禹貢冀州之域，春秋晉地，戰國時三家分晉隸屬於趙，及秦滅趙隸鄆邯郡，漢爲梁期縣屬魏郡，三國曹魏黃初三年析武安縣地置臨水縣，屬廣平郡，晉省梁期縣入臨水縣仍隸廣平郡，後魏太平真君六年，省臨水縣入鄆，太和二十一年復置臨水縣屬林慮郡，東魏改屬鄆都尹，北齊改屬清都郡，後周武帝割臨水置滏陽縣屬清河郡，隋爲魏郡，開皇十年郡廢隸相州，因地產慈石始曰磁州。以滏陽縣附，郭大業初，以二縣屬魏郡，唐武德元年復爲磁州，六年省臨水入滏陽，貞觀元年，廢州令屬相州，永泰元年，復置磁州，以臨水縣地改置昭義縣，天佑三年以磁慈音相近，改曰惠州，以滏陽昭義二縣並治之，後復爲磁州。五代梁屬昭義軍節度，晉屬彰德軍節度，宋熙寧六年，以昭義縣省入改爲郡，曰滏陽，以邯鄲縣屬焉，旋改爲磁州，今仍曰磁州，元初陞爲滏源軍節度，屬廣平路，後復爲磁州。明洪武元年，改屬彰德府，廢滏陽縣置守禦千戶所，隸山西潞州衛，清仍爲磁州，屬彰德府，領武涉二縣，廢千戶所置磁州營，清雍正四年，改屬廣平府，歸直隸省統轄，民國初年改爲磁縣屬河北省

磁縣之形勝

磁邑。爲冀南之門戶，位於晉豫魯冀之間；南控鄭衛，北通燕趙，右肘秦行，萬山盤礴，左扼鄴都，河流環匯，地屬中原，形勢天成，實河北之心膂，河南之肩脊也。今則平漢路中貫南北，交通益稱便利；西部多山，翠巘叢疊，林壑深遠，兩峯矗起，對插雲表；北爲鼓山，有響堂寺古竹林寺等名刹，皆東魏北齊之偉蹟，與雲崗龍門石佛，係同時之所建築！南爲神膏山，下有黑龍洞，洞幽深邃遠，水出其中，滾滾有聲，洞外山根，泉如百斛珍珠，隨地湧出，卽滏水之源，灌溉全境之河流也。東部平原，魏武帝七十二疑塚，羅列星布；東南隔漳水與豫省爲界，係昔時之鄴都，曹魏時講武城，及銅雀臺等遺蹟在焉。東北沿漳河故道，卽二祖元符寺。當魏齊時代爲北朝之雄都，佛教最盛時期之境域也。

元符寺形勢及修建時代

元符寺，在縣治東北五十里。東二祖村，古名婁姑村，卽佛教各典籍所載之盧村也。茲以祖師靈塔之所在，旋改名曰二祖村，南至鄴都五十里，西北至邯鄲二十五里，昔處漳河之北岸，時受洪水浸漫爲災！嗣至清季順治時代，漳河乃始南遷；近世雖無水患，而河流故道，黃沙遍野，尤有不耕之地！沿漳河故道東北十八里，卽祖師昔日說法處之匡教寺；後世因景慕祖師說法，有墜花湧蓮之異！建有說法臺在焉。原有寺址一頃二十畝，始建於唐貞觀十六年。宋明道二年，賜額『廣慈禪院』。元符三年乃改今名，……元末燬於兵！明永樂十三年復建。天順八年重修。清康熙三十九年，知州蔣擢重修，道光十年地震！殿宇多半被毀！咸豐四年復修，雖歷代均有修建，不過因其舊補補其缺耳。

元符寺建築之興替

寺址，原就祖師安葬處關建！究發起創建者爲何人，因屢遭災亂殘毀，并無碑記等，可供考據；計原有山門三楹，天王殿五楹，東爲客堂，西爲祖堂，大雄殿五楹，東爲觀音殿，西爲伽藍殿，後卽祖師塔院，塔院後係二祖殿三楹，後爲大悲壇方五丈，再後爲千佛閣九楹；大雄殿迤東，前爲禪堂，中爲齋堂，後爲大廚；大雄殿迤西，前爲懷蔭堂昔時接官之所，中爲方丈，後爲庫房，共殿閣寮房等數百楹，佔地一頃餘，殿宇嵯峨，巍塔高聳，色相莊嚴，規模宏巨，係北地佛法之勝蹟！只以在昔地近漳河，洪水泛濫，時患漫漫，復以密邇鄴都，爲古用武之地；五季宋元各世，迭受戰禍摧殘？尤以清道光十年，河北地震爲災，毀壞爲重，今則地面河沙淤塞，地層增高，沒碑數尺；雖歷朝修建，因建築偉大，難復舊觀！現以歷久失修。塌毀者惟存基址，卽存在者，亦多傾斜，頽凌景象，不堪入目；以佛教祖師遺蹟，淪胥湮沒於荒沙瓦礫之間，滄桑幻化，殊堪慨惜！……

一 祖塔之建築時期與遺蹟

塔，建於全寺之中部，唐開元廿年之所建也。而塔之名稱，中國佛教史籍多未明載；塔高十餘丈，自底至頂共七級，每級作八面形，全部係磚質，中有旋塔可次第而登，千百年來，雖每級簷角盡毀，稍形荒落，而古老蒼秀，益顯莊嚴。『初級供祖師像，明萬歷間，米萬鍾於塔前書『遺光照世』，下卽祖師真體安葬處。二級供菩提達摩像。三級供釋迦牟尼佛像。每級壁間皆刻有祖師求道受法各圖案，及精細華紋，因昔對此希有壞寶，未能加意愛護，盡被盜毀，實堪痛惜：至清道光十年，河北巨烈地震，而塔之上四級，完全圯毀！自三級下，亦行劈落，幸磚質堅塢，建築鞏固，僅餘南面壁立而已！然在十數里外遠眺，如孤峯挺秀，直矗天漢，不知爲已圯者，殊爲奇異！

按大清一統志載：『元符寺唐貞觀十六年建，開元廿五年建塔』云查祖師示寂於隋開皇十三年癸丑，計至開元廿年壬申，前後相距百四十年，而建塔後於建寺時期亦達九十年；考據各典籍：對於祖師示寂百餘年後，方始建塔之原因，均無表示，是建塔時期，究於何年？實有研究之價值！據傳法正宗所載：『三祖示寂於隋大業二年丙寅，至十四年建塔，名曰覺寂，其延期建築之原因，由於隋室變亂。四祖示寂於唐永徽二年辛亥，